



Ака́фист

Пресвято́й Богоро́дице
пред ико́ной ея́
«Казáнская»

Конда́к 1:

Избра́нной от всех родо́в Засту́пнице ро́да христиа́нского,/ покрóвом Своея́ бла́гости покрыва́ющей страну́ на́шу правосла́вную,/ благода́рственная пёния прино́сим Ти, Богоро́дице,/ о явлéнии чúдныя Твоея́ ико́ны./ Ты же, я́ко Всеми́лостивая, всех притека́ющих к Тебе́ Помо́щнице,/ заступáй нас во всех ско́рбех и ну́ждах, беда́х и напа́стех, да зове́м Ти://

Ра́дуйся, Засту́пнице усёрдная ро́да христиа́нского.

И́кос 1:

А́нгел предста́тель по́слан бысть рещи́ Богоро́дице «Ра́дуйся», егда́ Бог Сло́во воплоща́шеся во утробе Ея́: и мы, грéшнии, прославля́юще явлéние чúдныя Ея́ ико́ны и Божéственного Младéнца Спа́са Христа́, со умилéнием вопи́ем Благода́тней:

Ра́дуйся, Богоизбра́нная Отрокови́це;/ ра́дуйся, Ма́ти Бо́жия.

Ра́дуйся, Цари́це Небесé и земли́;/ ра́дуйся, свéтлое Це́ркве Небéсныя и земны́я украше́ние.

Ра́дуйся, А́нгелы чтима́я;/ ра́дуйся, пева́емая от Серафíм.

Ра́дуйся, свéтлое проро́ческое сбыти́е;/ ра́дуйся, апо́столов похвало́.

Ра́дуйся, му́ченическое испове́дание;/ ра́дуйся, преподо́бных ве́нче.

Ра́дуйся, пра́ведных весéлие;/ ра́дуйся, грéшных упова́ние.

Ра́дуйся, Засту́пнице усёрдная ро́да христиа́нского.

Конда́к 2:

Ви́дящи, Всенепоро́чная, с высоты́ Небе́снаго жили́ща Своего́, иде́же с Сы́ном Твои́м в сла́ве пребыва́еши, ско́рбь рабо́в Твои́х в новопросвещённом гра́де, я́ко гнёвнаго ра́ди Бо́жия посещёния ве́ра Христо́ва поруга́ема быва́ет ага́рянским злове́рием, благоволи́ла еси́ яви́ти ико́ну Свою́, чудесы́ ю прославля́ющи, да утвержда́емии зна́меньями Твоея́ благода́ти, христоро́бивии лю́дие ве́рно вопи́ют Бо́гу: **А**ллилу́иа.

И́кос 2:

Разуме́ние трикра́тнаго явле́ния Богома́тере му́драя отрокови́ца и́щущи, течё ко власте́м, пове́дающи им дивное явле́ние и гро́зное прещёние: мы же дивя́щеся свы́ше да́нному отрокови́це вразумле́нию, благоговейно вопи́ем к Преблагослове́нной:

Ра́дуйся, устна́ми чи́стыми хвалу́ Бо́гови соверша́ющая;/ ра́дуйся, та́йны благода́ти Бо́жия ве́рным открыва́ющая.

Ра́дуйся, неверных сумни́тельное слы́шание;/ ра́дуйся, ве́рных изве́стная похвало́.

Ра́дуйся, мо́лние, неверных устраша́ющая;/ ра́дуйся, сла́вою чудес Твои́х ве́рных ра́зум озаря́ющая.

Ра́дуйся, ага́рянскаго злове́рия обличе́ние;/ ра́дуйся, горды́ни их низложе́ние.

Ра́дуйся, ве́ры христиа́нския утвержде́ние;/ ра́дуйся, почита́ния святых ико́н освяще́ние.

Ра́дуйся, скорбь на́шу в ра́дость претворя́ющая;/ ра́дуйся, несумне́нною наде́ждою нас увеселя́ющая.

Ра́дуйся, Засту́пнице усер́дная ро́да христиа́нскаго.

Конда́к 3:

Сіла Вѣшняго благодатію Богомáтере умудрі и укрепі́ отрокови́цу к искáнию многоцѣннаго Бóжия дáра, и та, с вѣрою дерзáючи о Гóсподе, приступі́ к трудú и, скрýтое в землі́ обрѣ́тши сокровище святѣ́я ико́ны Богомáтери, рáдостно возопі́ к Бóгу: **А**ллилу́иа.

Ї́кос 3:

Имѣючи благоутрѣ́бное промы́слѣние о новопросвѣ́щенных лю́дех гра́да Казáни, от пречестнѣ́я Твое́я ико́ны то́ки чудѣ́с источи́ла еси́, Владѣ́чице, слепѣ́м телѣ́сными очі́ма зрѣ́ние подава́ючи, омраче́нных же душе́вно свѣ́том богопозна́ния и благоче́стия озаря́ючи, дѣ́вствующим под осенѣ́нием Твое́я ико́ны приста́нище небу́рное дáруючи. Сего́ ра́ди зове́м Ти:

Рáдуйся, явлѣ́нием ико́ны Твое́я тьму лю́тых обстоя́ний отгоня́ющая;/ рáдуйся, луча́ми чудѣ́с всех просвѣща́ющая.

Рáдуйся, слепѣ́х прозрѣ́ние;/ рáдуйся, омраче́нных смы́слом просвѣ́щение.

Рáдуйся, сла́во Правосла́вия;/ рáдуйся, тѣ́хое приста́нище и́щущих спасѣ́ния.

Рáдуйся, Ма́ти целому́дрия;/ рáдуйся, покрóве и огражде́ние дѣ́вства.

Рáдуйся, Ё́юже ликовству́ет все мно́жество вѣ́рных;/ рáдуйся, Ея́же ра́ди рыда́ет дѣ́монское по́лчище.

Рáдуйся, всех христиа́н вожде́ленная Помо́щнице;/ рáдуйся, всех скорба́щих Рáдосте.

Рáдуйся, Засту́пнице усѣ́рдная ро́да христиа́нскаго.

Конда́к 4:

Бу́рю смяте́ний и крамо́лы врага́ми воздви́гнутую в стране́ на́шей утоли́ти тща́сь блаже́нный Еρμοге́н, списа́тель чуде́с Твоея́, Богома́ти, ико́ны, слéзно пред не́ю моля́сь и, ви́дев, я́ко во́инству правосла́вному в щит и побéдное зна́мение Твоя́ ико́на дарова́ся, ве́рою укрепля́емый до конца́ живота́ своего́, вопия́ше Бо́гу: **А**ллилу́иа.

И́кос 4:

Слы́шавше правосла́внии во́ини открове́нную Преподо́бным Сэ́ргием святите́лю Арсе́нию та́йну, я́ко предста́тельством Богома́тере су́д об Оте́честве на́шем преложе́н на ми́лость, ико́ну Богома́терню, я́ко зна́мя побéдное, при́ймше, исхити́ша ма́терь градо́в ру́сских из ру́к супоста́т и возопи́ша Засту́пнице христиа́н:

Ра́дуйся, Ма́ти Бо́га Вы́шняго;/ ра́дуйся, я́ко за всех мо́лиши Сы́на Твоего́, Христа́ Бо́га на́шего.

Ра́дуйся, я́ко всем твори́ши спасти́ся в держа́вный Тво́й покрóв прибега́ющим;/ ра́дуйся, Засту́пнице всех су́щих в ско́рбех и боле́знях.

Ра́дуйся, всем моля́щимся сокруше́нным се́рдцем пред пречи́стым Тво́им о́бразом полéзная да́рующая;/ ра́дуйся, избавле́ние зол всем, невозврати́то наде́жду иму́щим на Тя.

Ра́дуйся, ти́хое и до́брое приста́нище;/ ра́дуйся, ско́рая Помо́щнице.

Ра́дуйся, гото́вый и те́плый покрóве спасе́ния;/ ра́дуйся, источа́ющая нам неоску́дные ми́лости.

Ра́дуйся, предше́ствующая на по́мощь;/ ра́дуйся, избавля́ющая от всех бед.

Ра́дуйся, Засту́пнице усéрдная ро́да христиа́нского.

Конда́к 5:

Боготéчная звезда́ явѣся Твоя́, Богома́ти, ико́на, всю страну́ Росси́йскую обтека́ющая, луча́ми чудес Твои́х осиява́ющая всѣх блужда́ющих по мо́рю стра́стного жити́я, мрак печа́лей и мглу вся́ких недúг и скорбе́й прогоня́ющая и наставля́ющая на путь спасéния с véрою к Тебé притека́ющих и вопи́ющих к Бо́гу: **А**ллилу́иа.

Ўкос 5:

Вѣдев ца́рь Пётр, я́ко от святы́я ико́ны Богома́терни благода́тию Бо́жиею соде́ваются мно́гия чудеса́, приéмлет ю в путево́дительницу во́инству своему́ и в де́нь бра́ни на свеев в щит и покрóв, и победи́в до конца́ врага́ с по́мощию Богома́тере, тем ка́мень соверше́нный во основа́ние но́ваго ца́рствующаго гра́да положи́, ико́ну же Твою́ чу́дную, я́ко освяще́ние, я́ко щит и огражде́ние, в се́рдце гра́да поста́ви. Сего́ ра́ди вопи́ем Пречи́стей:

Ра́дуйся, жили́ще и до́ме Христа́ Бо́га на́шего;/ ра́дуйся, Вме́стилище неизрече́нныя Его́ сла́вы.

Ра́дуйся, гра́де одушевле́нный, при́сно ца́рствующий;/ ра́дуйся, пала́то преукраше́нная.

Ра́дуйся, Ра́досте градо́в и ве́сей;/ ра́дуйся, непобеди́мое христиа́н в беда́х храни́лище и предгра́дие.

Ра́дуйся, Це́ркве Правосла́вныя похвало́;/ ра́дуйся, Ру́сской земли́ утвержде́ние.

Ра́дуйся, хри́столюби́ваго во́инства Помо́щнице;/ ра́дуйся, враго́в одоле́ние.

Ра́дуйся, от бед избавле́ние;/ ра́дуйся, Ма́терними Твои́ми щедро́тами всех посеща́ющая.

Ра́дуйся, Засту́пнице усер́дная ро́да христиа́нскаго.

Конда́к 6:

Предстоя́ще пред пречи́стым Твои́м о́бразом архиере́ев сосло́вии и вси лю́дие, мона́си и мирсти́и, пропове́дуют, Госпоже́ Богороди́тельнице, вели́кия Твоя́ ми́лости, я́ко гра́ды огражда́еши, оби́тели покрыва́еши, ве́си защища́еши, и, ве́дуще Тя вои́стинну Помо́щницу си́льну и непобеди́му, со слеза́ми прино́сят Ти моли́твы, да простре́ши к Сы́ну Твоему́ Богоно́сней ру́ки за лю́ди Твоя́, во е́же изба́вити нас от всех бед и напа́стей, да благодарне вопие́м Бо́гу: **А**ллилу́иа.

И́кос 6:

Возсия́вши просвеще́ние и́стинное и отгна́вши дре́вле ле́сть ага́рянскую во новопросвеще́нной странé Казáнской, ны́не во все́х гра́дах росси́йских све́тиши све́том чуде́с и ми́лостей: притека́ющие бо с ве́рою ко Твое́й ико́не цельбоно́сней скорбе́й изба́вление, неду́гов исцеле́ние и ра́дости вся́кия исполне́ния прие́млют, вопию́ще Тебе́ усер́дно:

Ра́дуйся, неисто́щимый исто́чнице святы́ни;/ ра́дуйся, многотеку́щая реко́ Божество́нная благода́ти.

Ра́дуйся, грешных с Бо́гом примире́ние;/ ра́дуйся, грехо́в на́ших очище́ние.

Ра́дуйся, благоче́стия Наста́внице;/ ра́дуйся, в до́брых де́лах утвержде́ние и по́моще.

Ра́дуйся, до́брыя обе́ты прие́млющая;/ ра́дуйся, благо́м намере́нием спосо́бствующая.

Ра́дуйся, злы́я начинáния разруша́ющая;/ ра́дуйся, вра́жия ко́зни расторгáющая.

Ра́дуйся, ско́рая челове́ком Помо́щнице;/ ра́дуйся, ми́лость сугу́бо нам пода́ющая.

Ра́дуйся, Засту́пнице усер́дная ро́да христиа́нского.

Конда́к 7:

Хотящу наро́ду правосла́вному испове́дати мѣлости Преблагослове́нныя Ца́рицы Не́ба и земли́ и по си́ле благода́рственная прине́сти о изба́влении егó от наше́ствия инопле́менных, дѣ́вному хра́му, созда́нному в че́сть пречу́дныя ико́ны, побѣ́дная в дар принесе́, да вси па́мятующе мѣ́лость Богома́тере, спа́сшия град сей и страну́, вѣ́ну воспева́ют Бо́гу благода́рными усты́: **А**ллилу́иа.

И́кос 7:

Сто́льному гра́ду Росси́и свѣта́я ико́на Твоя́, Богома́ти, вои́стинну яви́ся благая́ Оди́гитрия, я́коже дре́вле Царегра́ду: к Тебе́ бо прибега́ют лю́дие, по́мощи Твоея́ на нача́ло пу́ти и дел своѣ́х прося́ще и благода́рственная принося́ще моле́ния пред пречи́стою ико́ною Твое́ю за изба́вление от скорбе́й и напа́стей, Тебе́ Помо́щницу и Засту́пницу крѣ́пкую ве́дают. Те́мже благода́рственно вопи́ем Ти:

Ра́дуйся, Росси́йския страны́ покрóве;/ ра́дуйся, Правосла́вия в ней огражде́ние и утвержде́ние.

Ра́дуйся, несокруши́мый щите́ вои́нов на́ших;/ ра́дуйся, бронё́ их неуязви́мая.

Ра́дуйся, ко́зни враго́в облича́ющая;/ ра́дуйся, я́ко паучи́ну их растерза́ющая.

Ра́дуйся, нече́стия обличе́ние;/ ра́дуйся, крамо́лы разруше́ние.

Ра́дуйся, ю́ных от заблужде́ний исправле́ние;/ ра́дуйся, ста́рцев утеше́ние.

Ра́дуйся, душевре́дных уче́ний низложе́ние;/ ра́дуйся, душеполе́зных зна́ний дарова́ние.

Ра́дуйся, Засту́пнице усер́дная ро́да христиа́нскаго.

Конда́к 8:

Стра́нно и сумни́тельно неве́рующим слѹшати, ка́ко от ико́ны Твоея́ то́ки благодáти истека́ют, воня́ живóтная благоухáет: мы же, ве́рующе сло́ву, рече́нному Тобóй, Влады́чице, к перво́напи́санней ико́не: «С тобо́й Моя́ благодáть и сѣ́ла», упова́ем, я́ко и с сѣю ико́ною благодáть Твоя́ вѣну: те́мже благоговѣ́йно предстоя́ще лобыза́ем ю, поклоня́емся ей, я́ко Тебе́ Самѣ́й сущей, честь бо ико́ны на первообра́зное восхо́дит, и Твоя́ благодáть сѣю ико́ною зна́мения и чудеса́ содева́ет всем с ве́рою притека́ющим к Тебе́ и вопи́ющим Бо́гу: **Аллилу́иа.**

И́кос 8:

Вся́ бѣвши горѣ, к Небе́сным взя́та, и земны́х не оставля́еши, Богома́ти, свяще́нным Твоѣ́м предста́тельством: има́ши бо ма́тернее дерзнове́ние ко Христу́ Бо́гу на́шему. Те́мже утверди́ в ми́ре глубо́це правосла́вных жити́е и вся́ полѣзная всегда́ да́руй рабо́м Твоѣ́м, да велича́юще воспева́ем Ти:

Рáдуйся, Невместѣ́мага вмѣсти́лище;/ **ра́ду**йся, осенѣ́нная сѣ́лою Вѣ́шняго.

Рáдуйся, прозя́бшая Клас Небе́сный;/ **ра́ду**йся, мир весь душепа́губнаго гла́да изба́вльшая.

Рáдуйся, вѣ́ну ходáтайствующая за род наш;/ **ра́ду**йся, я́ко мно́го мо́жет моли́тва Твоя́ пред Сы́ном Твоѣ́м и Бо́гом.

Рáдуйся, всех нас при Крестѣ́ Сы́на Твоего́ усыновѣ́вшая;/ **ра́ду**йся, всегда́ Ма́тернюю любóвь к нам явля́ющая.

Рáдуйся, Ходáтаице вѣ́чных благ;/ **ра́ду**йся, и во вре́менной жи́зни полѣзная нам пода́ющая.

Рáдуйся, извѣ́стное прибе́жище на́ше во все́х ско́рбных обстоя́ниях;/ **ра́ду**йся, несомне́нное утеше́ние в печа́лех.

Рáдуйся, Застѹ́пнице усѣ́рдная ро́да христиа́нскаго.

Конда́к 9:

Всякаго естества́ а́нгельскаго превы́шшая яви́лася еси́, Пресвята́я Де́во: Бо́га бо зачала́ еси́ плóтию, Невместíмага все́ми вмести́ла еси́ во утробе Твое́й, на рука́х носи́ла еси́ Нося́щаго весь мир длáнию: те́мже, я́ко Честне́йшую Херувíм и Сла́внейшую без сравне́ния Серафíм велича́юще Тя, вопи́ем о Тебе́ Бо́гу: **А**ллилу́иа.

И́кос 9:

Витiя́ многовещáнныя, я́ко ры́бы безгла́сныя, ви́дим о Тебе́, Богоро́дице: недоуме́ет бо вся́к язы́к благохвалíти Тя по досто́янию, изумевáет ум пéти Тя, Богоро́дице; о́баче Бла́гая сýщи, приими́ и от нас архáнгельский глас, Тебе́ вопи́ющих:

Рáдуйся, Благода́тная;/ рáдуйся, я́ко Госпо́дь с Тобо́ю.

Рáдуйся, Благослове́нная в жена́х;/ рáдуйся, обрétшая благода́ть у Бо́га.

Рáдуйся, роди́вшая Спасíтеля мíру;/ рáдуйся, Ма́ти Сы́на Бо́жия.

Рáдуйся, Роди́тельнице Ве́чнаго Царя́;/ рáдуйся, израстíвшая нам плод животá.

Рáдуйся, освяще́нная Ду́хом Святы́м;/ рáдуйся, осенéнная сíлою Всевы́шняго.

Рáдуйся, ве́рная Рабо́ Госпо́дня;/ рáдуйся, я́ко Тя блажа́т вси ро́ди.

Рáдуйся, Засту́пнице усéрдная ро́да христиáнскаго.

Конда́к 10:

Спасти́ хотя́щи мно́гия от находя́щих зол, скорбе́й и боле́зней, чу́дную ико́ну Твою́, Богома́ти, дарова́ла еси́, ея́же ра́ди слепи́и прозира́ют, хромии́ хо́дят, разсла́бленнии возста́ют, бесну́ющиися исцеля́ются, земли́ плодонóсие пода́ется, лю́дие от смертонóсныя я́звы избавля́ются, гра́ды и до́мы от огня́ спаса́ются: те́мже прославля́юще Бо́га, даю́щаго нам таковы́я ми́лости, вопи́ем Ему́ усер́дно: **А**ллилу́иа.

Ўкос 10:

Стена́ еси́, Богоро́дице, стране́ Росси́йстей, гра́дом огражде́ние и сла́ва, правосла́вному во́инству на враги́ укрепле́ние. Те́мже, благодаря́ще Тя, вопи́ем:

Ра́дуйся, прославля́ющих Тя прославля́ющая;/ ра́дуйся, не чту́щих Тя посрамля́ющая.

Ра́дуйся, враго́в устраше́ние;/ ра́дуйся, от наше́ствия иноплеме́нных избавле́ние.

Ра́дуйся, вои́нов кре́посте;/ ра́дуйся, в дни бра́ни забра́ло и огражде́ние.

Ра́дуйся, в дни ми́ра живонóсный са́де, увеселя́ющий сердца́ ве́рных;/ ра́дуйся, ору́жие, егóже трепещу́т де́мони.

Ра́дуйся, спаси́тельный ел́ей, умаща́ющий грехóвныя ра́ны ка́ющихся;/ ра́дуйся, те́плое на́ше упова́ние.

Ра́дуйся, несумне́нная на́ша Наде́ждо;/ ра́дуйся, ти́хое и до́брое приста́нище.

Ра́дуйся, Засту́пнице усер́дная ро́да христиа́нского.

Конда́к 11:

Пе́ние хвалéбное и благодарственное прино́сят Тебе́, Влады́чице, припа́дающе ко ико́не Твоéй и любéзно лобыза́юще ю, дев ли́цы, под держа́вным покрóвом Твои́м т́хое и ми́рное ино́ческое житиé провожда́ющихи, и возлож́ивше на Тя все упова́ние, ра́достно вопи́ют Бо́гу: **А**ллилу́иа.

И́кос 11:

Яко светоприёмную свещу́, зрим Твою́ честну́ю ико́ну, Пресвята́я Влады́чице: та бо невест́ственный о́гнь благода́ти Твоея́ восприе́мши, и в подо́бих ея́ но́вы возжигáет светíльники, причáстны тоя́жде си́лы благода́тныя, и озаря́ет чудесы́, наставля́ющи на пу́ть спасéния всéх вопи́ющих Ти си́це:

Ра́дуйся, Невéсто Неневéстная;/ ра́дуйся, Богоизб́ранныя Отрокови́це, Ма́ти Дéво.

Ра́дуйся, до́брая Настáвнице непорóчнаго дéвства;/ ра́дуйся, Хранíteльнице ревну́ющих о чистотé.

Ра́дуйся, жен похвалó;/ ра́дуйся, дев величáние.

Ра́дуйся, вдов заступлéние;/ ра́дуйся, сирóт призре́ние.

Ра́дуйся, ни́щих Питáтельнице;/ ра́дуйся, нагíх одея́ние.

Ра́дуйся, печáльных утешéние;/ ра́дуйся, скорб́ящих весéлие.

Ра́дуйся, Засту́пнице усéрдная ро́да христиáнского.

Конда́к 12:

Благодать дати восхотѣвши почитающим Тя с любóвию, Богородительнице, присущую Ти сѣ́лу благодатную оставила еси́ во святыхъ Твоихъ ико́нахъ, ꙗ́ко Божественная благодать, спребываючи темъ (ико́намъ), зна́мения и чудеса́ вѣ́ну содеваетъ и душе́вныхъ и телесныхъ неду́г исцелѣ́ние всемъ с вѣ́рою приходящимъ подаётъ Твоими Богома́терними непреста́нными к Бо́гу моли́твами о вопиющихъ Ему́: **А**ллилу́иа.

И́кос 12:

Поюще Твоя́ чудеса́, бѣ́вшая в дре́вняя и настоя́щая времена́, хва́лимъ Тя, ꙗ́ко Живоно́сный Исто́чникъ благодати, ꙗ́ко неистощи́мую реку́ чудесъ, ꙗ́ко бездну́ мѣ́лости и щедро́т, и все упова́ние по Бо́зе возлага́юще на Тя и в сей и в бу́дущей жи́зни, прославля́юще Тя, вопи́емъ:

Рáдуйся, христиа́н непосты́дное упова́ние;/
ра́дуйся, вѣ́рныхъ спаси́тельное прибе́жище.

Рáдуйся, ненаде́жныхъ наде́яние;/ ра́дуйся,
отча́янныхъ спасе́ние.

Рáдуйся, ба́не, омыва́ющая со́весть;/ ра́дуйся, росó,
оживля́ющая ду́ши.

Рáдуйся, болѣ́зней врачевство́ ско́рое и
безме́здное;/ ра́дуйся, от всехъ бедъ бы́строе
избавле́ние.

Рáдуйся, Уте́шительнице во вся́кой ско́рби;/
ра́дуйся, из глубины́ поги́бели спаса́ющая.

Рáдуйся, отра́до в день сме́рти;/ ра́дуйся, еди́ная
Наде́ждо и по сме́рти.

Рáдуйся, Засту́пнице усѣ́рдная ро́да
христиа́нскаго.

Конда́к 13:

О, Всепе́тая Ма́ти, ро́ждшая всех святы́х Святѣ́йшее Сло́во, приими́ ны́не ма́лое сие́ моле́ние и, вели́чия ра́ди бла́гости Твоея́ и бездны щедро́т Твои́х, не помяни́ мно́жества грехо́в на́ших, но испо́лни во благи́х проше́ния на́ша, подава́ющи тѣлу здра́вие, душі́ спасе́ние, избавля́ющи от вся́кия ну́жды и печа́ли и Ца́рствия Небе́снаго насле́дники сотворя́ющи всех ве́рно вопи́ющих Бо́гу: **Аллилу́иа. [Три́жды].**

И́кос 1:

А́нгел предста́тель по́слан бысть ре́щи Богоро́дице «Ра́дуйся», егда́ Бог Сло́во воплоща́шеся во утробе Ея́: и мы, грѣшнии, прославля́юще явле́ние чу́дных Ея́ ико́ны и Божѣ́ственного Младѣ́нца Спа́са Христа́, со умиле́нием вопи́ем Благода́тней:

Ра́дуйся, Богоизбра́нная Отрокови́це;/ ра́дуйся, Ма́ти Бо́жия.

Ра́дуйся, Цари́це Небесе́ и земли́;/ ра́дуйся, све́тлое Це́ркве Небе́сныя и земны́я украше́ние.

Ра́дуйся, А́нгелы чтима́я;/ ра́дуйся, пева́емая от Серафи́м.

Ра́дуйся, све́тлое проро́ческое сбыти́е;/ ра́дуйся, апо́столов похвало́.

Ра́дуйся, му́ченическое испове́дание;/ ра́дуйся, преподо́бных ве́нче.

Ра́дуйся, пра́ведных весе́лие;/ ра́дуйся, грѣшных упова́ние.

Ра́дуйся, Засту́пнице усер́дная ро́да христиа́нского.

Конда́к 1:

Избра́нной от всех родо́в Засту́пнице ро́да христиа́нского,/ покрóвом Своея́ бла́гости покрыва́ющей страну́ на́шу правосла́вную,/ благода́рственная пёния прино́сим Ти, Богоро́дице,/ о явлéнии чу́дныя Твоея́ ико́ны./ Ты же, я́ко Всеми́лостивая, всех притека́ющих к Тебе́ Помо́щнице,/ заступáй нас во всех ско́рбех и ну́ждах, беда́х и напа́стех, да зове́м Ти://

Ра́дуйся, Засту́пнице **усе́рдная** ро́да христиа́нского.

Моли́тва 1-ая:

***Припе́в:** Пресвята́я Богоро́дице, спаси́ нас.*

О, Пресвята́я Госпоже́ Влады́чице Богоро́дице! Со стра́хом, ве́рою и любóвию припада́юще пред честно́ю ико́ною Твое́ю, мо́лим Тя: не отврати́ лица́ Твоего́ от прибега́ющих к Тебе́, умоли́ милосе́рдая Ма́ти, Сы́на Твоего́ и Бо́га на́шего, Го́спода Иису́са Христа́, да сохранит ми́рну страну́ на́шу, Це́рковь Свою́ Святу́ю да незы́блему соблюде́т от неве́рия, ересей и раско́ла. Не има́мы бо ины́я по́мощи, не има́мы ины́я наде́жды, ра́зве Тебе́, Пречи́стая Де́во: Ты еси́ Всеси́льная христиа́н Помо́щница и Засту́пница. Изба́ви всех с ве́рою Тебе́ моля́щихся от паде́ний грехо́вных, от наве́та злых челове́к, от всяких искуше́ний, скорбе́й, бед и от напрасны́х сме́рти: да́руй нам дух сокруше́ния, смире́ние се́рдца, чистоту́ помышле́ний, исправле́ние грехо́вныя жи́зни и оставле́ние прегреше́ний, да вси благода́рне воспева́юще вели́чия Твоя́, сподо́бимся Небе́снаго Ца́рствия и та́мо со все́ми святы́ми просла́вим Пречестно́е и Великоле́пое И́мя Отца́ и Сы́на и Свята́го Ду́ха. **А**ми́нь.

Моли́тва 2-ая:

Припе́в: Пресвята́я Богоро́дице, спаси́ нас.

О, Пресвята́я Влады́чице Богоро́дице, Цари́це Небеси́ и земли́, вы́шшая а́нгел и арха́нгел и всея́ тва́ри честне́йшая, чи́стая Де́во Мари́е, ми́ру благая́ Помо́щнице, и всем лю́дем утвержде́ние, и во вся́ких ну́ждах избавле́ние! При́зри и ны́не, Госпоже́ Всеми́лостивая, на рабы́ Твоя́, Тебе́ умиле́нною душо́ю и сокруше́нным се́рдцем моля́щихся, со слеза́ми к Тебе́ припа́дающия и покланя́ющияся пречи́стому и цельбоно́сному о́бразу Твоему́, и по́мощи и заступле́ния Твоего́ прося́щия. О, Всеми́лостивая и Преми́лосе́рдая Де́во Богоро́дице Чи́стая! Воззри́, Госпоже́, на лю́ди Твоя́: мы бо греше́нии не има́мы ины́я по́мощи, разве Тебе́ и от Тебе́ ро́ждшагося Христа́ Бо́га на́шего. Ты еси́ засту́пница и предста́тельница на́ша. Ты еси́ оби́димых защи́ение, скорбя́щим ра́дование, си́рым прибе́жище, вдова́м храните́льница, де́вам сла́ва, пла́чущим весе́лие, больны́м посеще́ние, немощны́м исцеле́ние, грешны́м спасе́ние, Сего́ ра́ди, о Богома́ти, к Тебе́ прибега́ем, и на Твой Пречи́стый о́браз с Предвече́нным на руку́ Твоею́ держи́мым Младенце́м, Го́сподем на́шим Иису́сом Христо́м взира́юще, умиле́нное пе́ние Тебе́ прино́сим и вопие́м: поми́луй нас, Ма́ти Бо́жия, и проше́ние на́ше испо́лни, вся бо суть возмо́жна ходата́йству Твоему́: я́ко Тебе́ сла́ва подоба́ет ны́не и при́сно и во ве́ки веко́в. **А**ми́нь.

Тропа́рь, Глас 4:

Засту́пнице усер́дная,/ Ма́ти Го́спода Вы́шняго,/ за всех мо́лиши Сы́на Твоего́ Христа́ Бо́га на́шего,/ и всем твори́ши спаси́ся,/ в держа́вный Твой покрóв прибега́ющим./ Всех нас заступи́, о Госпоже́ Цари́це и Влады́чице,/ иже в напáстех и в ско́рбех, и в болезнех обремене́нных грехи́ мно́гими,/ предстоя́щих и моля́щихся Тебе́ умиле́нною душо́ю/ и сокруше́нным се́рдцем,/ пред пречи́стым Твои́м о́бразом со слеза́ми,/ и невозврати́то наде́жду иму́щих на Тя,/ избавле́ния всех зол,/ всем поле́зная да́руй,/ и вся спаси́, Богоро́дице Де́во:// Ты бо еси́ Божество́нный покрóв рабо́м Твои́м.

Велича́ние: Велича́ем Тя,/ Пресвята́я Де́во,/ и чтим о́браз Твой святы́й,/ от него́же истека́ет благода́тная по́мощь// всем, с ве́рою притека́ющим к нему́.